



**Broj:** 08-06/2-14-2-2334-41/16

**Dana:** 03.06.2016.godine

Ministarstvo unutrašnjih poslova Zeničko-dobojskog kantona, na osnovu člana 100. stav (3) Zakona o javnim nabavkama ("Službeni glasnik BiH", br. 39/14), i člana 223. Zakona o upravnom postupku ("Službeni glasnik BiH", broj 29/02, 12/04, 88/07, 93/09 i 41/13), rješavajući po žalbi ponuđača "AUTOCENTAR BH" d.o.o. Sarajevo, zaprimljenoj kod ugovornog organa pod brojem: 08-06/2-14-2-2747/16 od 30.05.2016.godine, izjavljene na Odluku ugovornog organa broj: 08-06/2-14-2-2334-24/16 od 19.05.2016.godine, o izboru najpovoljnijeg ponuđača "AGRAM" d.d. Ljubuški – Podružnica Zenica u postupku javne nabavke pod nazivom "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica", d o n o s i:

### **ODLUKU**

**I** USVAJA SE djelimično žalba ponuđača "AUTOCENTAR BH" d.o.o. Sarajevo izjavljena na Odluku ugovornog organa broj: 08-06/2-14-2-2334-24/16 od 19.05.2016.godine, o izboru najpovoljnijeg ponuđača "AGRAM" d.d. Ljubuški – Podružnica Zenica u postupku javne nabavke pod nazivom "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica", kao osnovana.

**II** PONIŠTAVA SE U CJELOSTI postupak javne nabavke pod nazivom "Pružanje usluga tehničkog pregleda vozila Policijske uprave I Zenica i MUP-a u sjedištu na području općine Zenica" – član 69. stav (1) dio d). Zakona o javnim nabavkama ("Službeni glasnik BiH" broj 39/14).

### **OBRAZLOŽENJE**

Postupak javne nabavke pokrenut je Odlukom broj: 08-06/2-14-2-2334/16 od 09.05.2016.godine. Javna nabavka je provedena putem nabavke usluga iz Aneksa II. Dio B. Zakona o javnim nabavkama. Poziv za dostavu ponuda broj: 08-06/2-14-2-2334-1/16 od 09.05.2016. godine upućen je ponuđačima i postavljen na zvaničnu web stranicu ovog Ministarstva istog dana. Komisija za javnu nabavku imenovana je Odlukom broj: 08-06/2-14-2-2334-2/16 od 09.05.2016.godine.

Rješavajući u postupku predmetne javne nabavke, ugovorni organ je dana 19.05.2016.godine donio Odluku broj: 08-06/2-14-2-2334-24/16 o izboru najpovoljnijeg ponuđača "AGRAM" d.d. Ljubuški – Podružnica Zenica.

Na navedenu Odluku o dodjeli ugovora izjavljena je žalba ponuđača "AUTOCENTAR BH" d.o.o. Sarajevo zaprimljena kod ugovornog organa pod brojem: 08-06/2-14-2-2747/16 od 30.05.2016.godine.

Ispitujući žalbu u smislu člana 222. Zakona o upravnom postupku, utvrđeno je da je ista blagovremena, dopuštena i izjavljena od ovlaštenih lica – član 101. stav (4) dio a). Zakona o javnim nabavkama ("Službeni glasnik BiH" broj 39/14).

Analizirajući navode iz žalbe, uvidom u kompletan spis predmetne nabavke, ugovorni organ utvrdio je sljedeće:

#### **U žalbi ponuđača "AUTOCENTAR BH" d.o.o. Sarajevo se navodi:**

- da ponuda izabranog ponuđača nije tehnički zadovoljavajuća iz jednog osnovnog razloga što ponuđene cijene usluga nisu u skladu sa Pravilnikom o izmjeni i dopuni Pravilnika o tehničkim pregledima vozila ("Službeni glasnik BiH" broj 29/11). Naime, za vozila koja su navedena kao terensko, ponuđena je cijena za kategoriju vozila M1 - putnički automobil, a navedena vozila su kategorije N1- teretno vozilo. Takođe isti ističe da su gore pomenutim Pravilnikom jasno definisane jedinstvene cijene za pojedine vrste tehničkog pregleda vozila, te iz tog razloga nije moguće davati popust kako je navedeno u ponudi najpovoljnijeg ponuđača.

Uvidom u kompletan spis predmeta, ponovnom analizom svakog dokaza pojedinačno i u njihovoj međusobnoj vezi, a u odnosu na žalbene navode i propisani zakonski postupak, utvrđeno je sljedeće:

Uvidom u ponudu najpovoljnijeg ponuđača AGRAM d.d Ljubuški - Podružnica Zenica, kao i Pravilnik o izmjeni i dopuni Pravilnika o tehničkim pregledima vozila (" Službeni glasnik BiH" broj 29/11), utvrđeno je da su osnovani navodi žalitelja da je izabrani ponuđač dostavio ponudu za tehnički pregled vozila označeno kao "terensko" po cijeni za kategoriju vozila M1-putnički automobil, a ta vozila su teretna vozila i spadaju u kategoriju N1 za koja je Pravilnikom propisana druga cijena. Takođe, uvidom u ponudu žalitelja, utvrđeno je da je isti cijenu za tehnički pregled vozila označeno kao "autobus" dao za kategoriju vozila M2, a autobus za koji je tražena ponuda potpada pod kategoriju M3 za koju kategoriju je Pravilnikom propisana druga cijena. Što se tiče navoda iz žalbe da je ponuđač Agram d.d. Ljubuški – Podružnica Zenica ponudio popust tačno je, ali je isto tako i žalitelj u svojoj ponudi naveo da će na kraju obračunskog perioda izvršiti povrat novca u iznosu od 15% neto fakturisane vrijednosti.

Ustanovljeno je da u pozivu za dostavu ponuda za "Pružanje usluga tehničkog pregleda vozila Policijske uprave I i MUP-a u sjedištu na području općine Zenica" nisu naznačene kategorije vozila u skladu sa Pravilnikom o tehničkom pregledu vozila ("Službeni glasnik BiH" broj 29/11), te da ponuđači nisu mogli odrediti kategoriju vozila kojoj pripadaju u skladu sa Pravilnikom o tehničkom pregledu vozila.

Na osnovu naprijed navedenog, a imajući u vidu da ni jedna ponuda nije prihvatljiva, donesena je Odluka o poništenju postupka javne nabavke – član 69. stav (1) dio d). Zakona o javnim nabavkama.

Slijedom svega navedenog, a na osnovu člana 100. Zakona o javnim nabavkama ("Službeni glasnik BiH", br. 39/14), i člana 223. Zakona o upravnom postupku ("Službeni glasnik BiH", broj 29/02,12/04,88/07,93/09 i 41/13), odlučeno je kao u dispozitivu ove odluke.

#### **UPUTSTVO O PRAVNOM LIJEKU:**

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o poništenju postupka.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđači, 1x-
2. Sektor za podršku, 1x.-
3. Komisija za javnu nabavku roba, usluga i radova, 1x.-
4. Spis, 1x.-

**MINISTAR**

**Nikola Arsenić**